

VALENTINI BUSA VILLANOVA

V I C E T I N I

PRO SOLEMNI STUDIORUM INSTAURATIONE

ORATIO

*DE FONTIBUS JURISPRUDENTIÆ*

Habita in Ecclesia Cathedrali Patavina

Kal. Novembris MDCCXLV.



Patavii Apud Cajetanum de Blasii Almæ Univ.  
Typograph. sup. Perm. 1745.

**Jurisprudentiæ Philosophia incunabula  
dedit, eique lucem a barbarie ad-  
emptam reddidit eruditio. Janus Vin-  
centius Gravina in Orat. de Jurispr.**



Um mihi (CARDINALIS EMI-  
NENTISS. NOBILISS. ATQUE  
EXCELENTISS. CIVITATIS.  
MODERATORES, ILLUSTRISS.  
AC SAPIENTISS. PROFESSOR,  
AC SYNDICE, ILLUSTRISS. AC  
SAPIENTISS. PROFESSORES,

Auditores ceteri Humanissimi, Spectatissimi) Cum  
mihi nescio quo casu auspicia Juri facienda sint, vi-  
deo ea captari non posse felicius, quam ab alte  
repetita dubitatione qui fiat, ut quamquam duobus  
instrui ad jus accedentem præsidis & facultatis ra-  
tio, & uno suffragio postulent omnes docti, sapien-  
tia scilicet, ac eruditione, a plerisque tamen alte-  
rtrum, vel utrumque negligatur. Num, quæ est mul-  
tiplex constitutio animorum, alios ad humaniora  
compositos horrere censeamus spineta Philosophiæ;

ingenii gravioris alios despiciere quicquid non a naturæ ordine profluit, sed memoria hominum & cogitatis unice continetur; alii vero & universorum notiones a certi cujusdam populi institutis avulsas autumant nihil ad jus civile, quo utimur pertinere, & anteaetas nobis obiciunt ætates, quæ nullo apparatu bonarum artium commentaria juris exierunt ut sui forensi tantopere accommodata? Sed erroris quæcumque sit excusatio, quæ præter accusationem ignaviæ in litterarum luce hac nulla esse deberet, hos postulo adolescentes in hos boni ominis gratia disputaturus. Primis ajo prorsus ab intima philosophia disciplinam juris hauriendam esse: alteris vero Jureperitum sine admirabili quadam eruditione nullum esse posse: sic tota disceptatione & genus ultimum refelletur. Hoc argumentum tanto alacrius fuscipio, quod ii sedent auspices, ii judices, qui tantum optima & sapiunt, & probant.

Ac jus quidem universum qui ab una quadam Civitate derivant, sententiisque hominum quasi incertis finibus circumscribunt, quid possunt alienius excogitare ab ejus artis dignitate ac præstantia, quam veteres divinarum rerum humanarumque scientiam definiverunt? Cui hoc genus hominum inter artes ac scientias ne locum quidem relinquit. Hæ videlicet ab ingeniorum varietate non pendent; loco, tempore non mutantur; imperiorum vices non pertimescunt: sed certæ constantesque universum afficiunt communi notione ac principio genus humanum, cui nihil præter rationem commune cum sit, ecquis dubitet ab ratione artes omnes scientiasque manare?

Ac

Ac, si veri nominis disciplinis adscribi volumus Jurisprudentiam, prorsus esse a ratione veluti fonte unico repetendam? Hoc vero est æternum jus illud quod *non didicimus, accepimus, legimus, verum a natura ipsa arripimus, hausimus expressimus*. Garriant hic licet & quibus ex Carneade *Utilitas sola est iusti prope mater & æqui*, & quibus cum Hobbesio jus omne ex pacto est adeo, ut natura cuilibet in omnes & omnia jus sit, & qui cum Spinoza potentiam vimque unam totius fontem juris agnoscunt vesani homines, qui suas fortasse libidines, naturam profecto non agnoverunt. Modo enim adhibeant homines, quæ præstant, intelligentiam, hanc proxime Amorem consequi scient: hinc eas, quæ ab Amore profluant, actiones sibi congruere; cumque ex necessario naturæ ordine iis, quæ sibi conveniunt, unumquodque conservetur ac perficiatur, esse autem ac perfici omnia appetant animantia, ex hoc ipso, quem nullus negaverit, appetitu legem sibi quandam constitui actiones edendi eas, quarum sufficiens in Amore ratio contineatur; quibus quidem voluptas ipsa sit veluti præmium, contrariis vero erroris testis interminus, ipsiusque naturæ necessarius dissensus pæna gravissima futura sit. In uno autem Amore contineri præcepta juris omnia, ab hoc uno iustitiam esse, ut in naturæ contemplatione ne abutar Apostoli auctoritate, qui hunc *summam legis*, hunc *finem* ad Rom. præcepti vocat, nuperis annis demonstravit naturam <sup>13. 9.</sup> 1. Tim 1. sequutus Heinecius, & jam ante Leibnitius innuerat, <sup>5.</sup> cum iustitiam definiret *charitatem esse sapientis*. Spi. I. N. 1. 1. nosiora hæc fortasse, quam locus ferat: tamen di. <sup>3 § 79.</sup>

Cic. pro  
Mil.



cenda, ne abirent indicta causa, qui hanc juris o-  
 riginem ideo negligerent, quod irretiti quorundam  
 captionibus eam de ingenio confictam esse suscipia-  
 rentur. Quos quidem ultro nunc mecum fassuros es-  
 se confido jus esse aliquod ab ipsa natura, cui po-  
 tissimum nostræ facultatis amplitudo tribuenda sit.  
 Quamquam enim posito homine posuerimus esse jus,  
 ut etiam in eorum sententia consisteret, qui per sce-  
 lus immane negant esse Deum, si modo hac specie  
 potest esse quicquam; idem tamen juris auctor est,  
 qui & hominis Deus: cum ab eo sit ea constitutio  
 naturæ, ut inde jura nascantur. Quin etiam man-  
 cum est, atque imperfectum hoc omne, tantumque  
 interiore vinculo nos obstringens, ut Puffendorfius  
 neget esse jus, nisi ab optima illa, ac potentissi-  
 ma causa repetatur. Hoc itaque a constanti deri-  
 vatum natura, conditumque a perfecta immutabi-  
 lique sapientia omni loco, omni tempore unum &  
 idem viget: quod propterea qui contemplatur pro-  
 fundius, is demum dicitur scire jus, ac vere divi-  
 narum rerum humanarumque notitiam profiteri, im-  
 mo in artem quandam & positarum legum doctri-  
 nam redigit: siquidem cum lex omnis, ut polleat  
 vi sua, naturæ dictatis congruere non incerta ra-  
 tione debeat, hac veluti lance artis fit, quod arte  
 ex sui indole non continetur. Verum naturæ jus in-  
 tuto est: cum iis modo congrediendum qui putant  
 non esse omnino ab hominis repetendum natura:  
 neque enim deesse explicatiora præsidia, quibus idem  
 assequi tuto possint. Quidnam est, quæso, hoc, quod ju-  
 ris hujus faces potissimæ non perviderunt? Leibnitius  
 pro-

profecto juris naturalis doctrinam ea ratione fligita- <sup>in epist ad</sup>  
 re Metaphysicum asserit, qua contemplatio Naturæ <sup>Remon-</sup>  
 Mathematicum postulat. Ille ipse, qui aliquando bac- <sup>dum</sup>  
 chatur tantopere in Metaphysicos Puffendorsius, nun-  
 quam non tamen olet philosophiam. Grotius vero u- <sup>ex Henri-</sup>  
 nius Metaphysicæ ope se tam subtiliter hanc Juris- <sup>co Boecle-</sup>  
 prudentiæ partem principem pertractasse confessus <sup>ro apud</sup>  
 est. Num fortasse alterum illud principium nobis obli- <sup>Puff. in E-</sup>  
 ciunt, consensionem videlicet omnium gentium, quam <sup>nde Sea.</sup>  
 legem naturæ putandam esse Tullius constituit, & <sup>Tusc. l. 13.</sup>  
 qua sæpe Grotius est delectatus? opportunum credo <sup>prol. § 40.</sup>  
 ego his tempo ribus, quibus tot Pyrrhonicorum mon-  
 stra conantur scientiarum bases subvertere, fontes  
 negligere, rivulos confectari. Ut vero tuta est hæc  
 via? in multis gentium pene omnium consensum de- <sup>I. N & G.</sup>  
 prehendit Heinecius, quæ nemo juris naturæ vel gen- <sup>l. 1. 3. § 71.</sup>  
 tium (quod primi illius quasi furculus est) dixerit,  
 veluti πολυθεότητι idololatria sacrificiis, latrocinis ex-  
 tra cujusque Remp. licitis. Quid vero Grotius? qui &  
 ex hoc principio tantum ait colligi posse jus genti- <sup>pr. §. 40.</sup>  
 um, & vero asserit vix reperiri ex hoc aliquid, quod <sup>l. 1. 15.</sup>  
 omnibus gentibus commune sit. Ac mihi quidem vi-  
 deretur is qui naturæ jus ex antiquis populorum ac  
 regum scitis colligeret, humanitatem inter barbaros,  
 ac veluti in tenebris lucem quærere. Quod enim jus  
 Romano præstantius extitit? quod propius rationi ac  
 naturæ accessit? in quod inquisitis exploratisque mul-  
 tarum urbium legibus quæ usquam egregia confluxerunt. <sup>Gelt. N.</sup>  
 Veruntamen Romana ipsa Jurisprudencia quos naves <sup>A. 20 1.</sup>  
 habet? In 12. quidem illis Tabulis, quas Livius fon- <sup>Tac. Ab.</sup>  
 tem universi publici, privatique juris appellat, quæ- <sup>3. 27</sup>  
 dam <sup>3. 34.</sup>

N. A. 20.1.

Orig. r. 46  
in præf. ad.  
Gr.

de off. 3. 17

Epl. ad  
Joan. Tex-  
torem

*dam aut obscurissima, aut levia, contra dura nimis aut remissa* animadvertit Phavorinus Philosophus apud Gellium; demonstravit autem multo plura Thomasius, cum de nævis ageret Jurisprudentiæ Romanæ Antejustinianæ. Quid de antiqua, quæ consequitur, Jurisprudentia Janus Gravina ita fere Romana omnia suspiciens ut in eo studium Romanarum partium Mascovius notet? *asperam illam vocat tenebricosam & tristem, non tam in æquitate, quam in verborum superstitione fundatam.* Media sane gravior: ea tamen florente sic Tullius. *Nos veri juris, germanæque justitiæ solidam expressamque effigiem nullam tenemus: umbra & imaginibus utimur.* Novam vero ac novissimam non produco, quæ reclinantibus Romanorum moribus, grassante ambitione, premente vi, libertate sublata, florentibus stoicorum turbis, dissidentibus Jure consultis constitutæ, postrema etiam barbarie ingruente, imperio pessum dante nata desiderium nobis ingerunt antiquiorum. Etsi itaque cum Joanne Bodino non dico ex libris, quos habemus Romani Juris nihil fere a sordibus & luto purum hauriri, facile tamen Grotio concesserim, quæ in iis traduntur de naturali, ac gentium jure, pleraque confusa esse & complicata, multa ambigua, falsa non pauca: ut sæpius ostendit in libris de jure belli & pacis, præcipue vero cum differit de acquisitionibus, quæ dicuntur juris gentium: quæ cogitata omnia percensere non est temporis: unum aut alterum non est causæ. Tantum liceat Stoicam juris naturæ imperitiā odorari ex ejus celebri definitione, quæ traditur. Ut ut enim ei defendendæ præclaros conatus exerat Janus Gravi-

na,



na, æquus tamen atque integer judex nunquam concedet feras jure aliquo, quod omnino rationis est, contineri? Nos vero jus naturæ ac gentium ab hoc rivulo, aut aliis impurioribus hauriemus optimo sapientiæ fonte neglecto? sed nolo in invidiam sermone adduci. pura sint, clara & distincta sint omnia. nihil ne opis ipsis positis legibus intelligendis feret philosophia? Ut illa de dolo & culpa, de voluntario & non voluntario, de delictis, de consensu, de obligatione, de rerum divisione, de acquisitione, de possessione ac proprietate, de jure jurando, de pactis ex penitior Metaphisica tota fluunt? Quot porro sunt, quorum nullum subest quasi corpus, veluti usufructus, tutela, gens, agnatio, hæreditas, aliaque id genus? quot e stoicorum subtilitatibus repetita? quot adhuc reliquæ discrepantibus Juris consultorum sententiis? quibus comprehendendis, enodandis, definiendisque non hercule par sit aliquis in sapientia peregrinus atque hospes. Ostendunt hoc exemplo suo qui destituti hoc necessario præsidio partim docti in rebus levissimis sexcentas uno spiritu citare leges in maximis hærent aqua; partim quod positum est in una cognitione id in infinita dispetiuntur, novisque semper definiendis speciebus jura omnia perturbant.

Sed hæc ad commendandum juris studioso sapientiæ studium, quamquam pro argumenti magnitudine pauca sunt, pro temporis tamen ratione sunt nimis multa: adhuc enim superest impellendum genus alterum pertrahendumque ad eruditionem. Atque hac voce magnum quiddam complector, & pluribus exartibus. studiisque collectum, quod qui adjunxerit

in pr. ad  
orig.

N. Att.  
12. 10.

Apol. pro  
Gracis.  
Orig. 1.  
138.

Philosophiæ, is demum cum in Romano jure, tum in Canonico poterit laudabiliter exerceri. Romanum primo expendamus, cujus *unius studium Græcam, atque Romanam eruditionem trahere universam* vere mihi videor cum Gravina esse dicturus. Et quanti in primis interfit non pervulgata, sed sanctior Latinæ linguæ peritia nos Labeo docet exemplo suo, qui in *Grammaticam sese, litterasque antiquas*, Gellio teste, *penetraverat, & Latinarum vocum origines percallens ea præcipue scientia ad enodandos plerisque juris laqueos utebatur*. Omnia videlicet hic germana, & pecularia latine dicendi genera, certæque ac solemnes formulæ, & prisca verborum vetustas, quemadmodum leges decet. Quis vero Juris Interpretem Græca aspernantem ferat? Mitto jus hoc a Græcia ad nos esse translatum: Romanamque linguam, quam ab ipsis hauriendam fontibus esse diximus, a Græca quasi a parente esse natam. levia hæc fortasse. At levem ne utilitatem Græci nobis afferent? Græcæ Thalelæi Pandectæ, Græcus Codex, Græcæ Novellæ, quæ in latinum sermonem tam inepte conversæ sunt, Basilii, cetera *μικρὰ ἀπόχρεια*, interpretumque Græcorum imperio adhuc vigente reliquiæ ex Fabrotti, & Gravinae observatione quasi oculus fuerunt oculo Jurisprudentiæ Cujacio. Hic idem Fabrottus ut magnifice de Thephilo loquitur, cum *interpretum facile præcipuum* ex Cujacio vocat, ejusque Institutiones omnino legendas proponit? Quid quod utraque lingua opus est ad Antiquitatem investigandam, cujus nihil penitus Justinianus a nobis patitur ignorari? Ac sane si plurimam Antiqui-

*tatis effigiem in omni jure civili* Cicero mirabatur, le erat 1. 43. D de  
*si posteriores leges ad priores pertinere* Pauli Juris consul LL.  
*ti sententia est, si quæ scripserunt Prudentes vel fluunt*  
*a veteri jure, vel inserviunt ei temperando, si quæ*  
*Principes nova constituerunt, ita constituerunt ut re-*  
*tenta vetere facie fucum populo facerent, unde in-*  
*voluta satis, & confusa jura orta sunt, qui anti-*  
*quitatis cognitione neglecta Romanum jus assequemur?*  
*ecquid Labeo, si Gellio credimus, ratum pensumque*  
*habebat, nisi quod justum, sanctumque esse in Roma-* No. 9 Att. 13 12.  
*nis antiquitatibus legisset?* Atque hoc quidem La-  
*beoni studium stante Romano populo fuit. Quid*  
*igitur nostris temporibus dicendum putemus?* qui-  
*bus alii mores, magistratus, religio, judicia, impe-*  
*riorum & Rerump. facies alia, verbo veteris illius*  
*formæ nullum vestigium. Quæ porro momenta ad-*  
*dit Tribonianus? Qui, fatentibus ejus patronis Cu-*  
*facio & Gravina, non tam diligens atque accuratus* Ors j cia: 1. 137  
*fuit, quam se imprudenter profitetur; ut vero pleri-* Hein Ant Rom-pro- æm  
*que sentiunt, multa etiam consulto vitiavit. Quid?* l. 24 D. r. de LL  
*incivile esse* Celsus ait, *nisi tota lege perspecta u-*  
*na aliqua particula ejus proposita respondere vel ju-*  
*dicare.* At quot istiusmodi particulæ in libris Justi-  
*nianæis?* Omnino itaque juris studioso quærenda est  
*origo totius Romanæ Jurisprudentiæ, inspiciendæ*  
*ejus ætates omnes ac vices, investigandi præterea*  
*Romanorum mores, tenenda religio, discendæ so-*  
*lemnes formulæ, judiciorum ordo, auctoritas Ma-*  
*gistratuum, constitutio Reip., studia sectæque pru-*  
*dentium, temporum series, antiquitatis totius pe-*  
*netralia lustranda sunt. Ut lauta hæc, adolescen-*

tes, ut splendida supellex est! cui comparandæ vol-  
 venda sunt totius fere monumenta vetustatis, le-  
 gendi poetæ, Oratores, historici, ac Græci præci-  
 pue Romanarum rerum scriptores non negligendi;  
 cum quæ solet esse omnium fere externa scriben-  
 tium cura & diligentia, Romani Populi mores, in-  
 stituta, ritus, politiam accuratius Romanis ipsis  
 descripserint. Sed cui non dictus hic hylas, post-  
 quam Cujaciana litteris lux enituit, expulitque ca-  
 liginem illam, qua non ex jure, quod ignorabatur,  
 sed ex Accursii, Baldi, Bartoli ingenio omnia de-  
 finiebantur. Propero ad jus canonicum quod Eru-  
 ditionis sacræ & Profanæ præsidio indiget, si quic-  
 quam aliud. Ac profanæ necessitatem quis non in-  
 telligit, modo didicerit a Cujacio *juris istius in-  
 terpretem idoneum fore nullum, nisi sit Juris civilis  
 peritissimus*, ac modo sciat, ut antiquis Ecclesiæ ju-  
 diciis Imperatorum potestas sese immiscuerit? Sa-  
 cram vero commendari vix credo res ipsa patitur.  
 Perbelle hanc in rem animadvertit Joannes Gers-  
 onius per quadringentos annos sic fuisse gubernatam  
 Ecclesiam, ut qui Theologi, iidem essent & inter-  
 pretes canonum, *Canones vero non esse aliud, quam  
 conclusiones e principiis Theologicis elicitas, vel il-  
 latas*. Quid mihi opponis hæc contineri in ea, qua  
 utimur Decretorum, collectione Gratiani? Nonne  
 quicquid est in toto Gratiano, nihil inde mutua-  
 tur juris, sed omnia ad suam primævam auctorita-  
 tem sunt revocanda? Perlege nunc Antonii Augu-  
 stini Dialogos de emendatione Gratiani. Intelliges  
 ab eo sæpe erratum in Nominibus Hominum, ur-  
 bium,

ad c. 15 de  
 sens. & re  
 jud.

in Recom  
 lic. in De-  
 cr.



bium, Provinciarum, conciliorum; sæpe quæ sunt unius Episcopi inferioris Romano Pontifici, aut Concilio Generali, aut Provinciali tribui: multa Gregorii, Ambrosii, Augustini, vel Hieronymi verba dici, quæ aut nusquam extant, aut aliena sunt: illa ipsa, quæ inscriptiones habent veras, non recte referri: sæpe enim contrarias proponi sententias, sæpe valde præcisas. His adde prætermissa multa ex canonibus Conciliorum, & ex vetustis Pontificum Decretalibus: Adde ea, quæ a græcis fontibus manant ex variis interpretationibus afferri, quasi sint aliorum scriptorum, & sæpe aliud græce, quam latine significare; Adde præter Canones Apostolicos, præter Epistolas, & constitutiones Clementis Primi, ex Ivonis & Burchardi collectionibus desumpta errata, pus Isidori Mercatoris, aliorumque præstigiatorum commentitios canones, qui toto decreto, quæ erat sæculorum barbaries, latent. Quale igitur ex solo Gratiano Jus Canonicum haurias, & quid prorsus ab eo percipias de Ecclesiasticæ disciplinæ vicibus, veteribusque judiciis, quæ nos fugere omnino non debent? Horum enim ignoratione concrevit laxior illa doctrina Canonum, ut nihil fere sit tam remissum, ac tam absurdum, quod non ex ea quasi justum, sanctumque deducant vespertiones ac lucifugæ quidam eo religioni infestiores, quod hoc fidelibus obductum religionis speciei venenum propinant. Cui malo ut mederetur D. <sup>ex ejus Vita</sup> Carolus, Ecclesiæ Mediolanensi nihil magis, quam pristinæ disciplinæ studium commendabat. Quid si, <sup>in proleg.</sup> ut optime Vanespenius, exacta hodiernæ disciplinæ <sup>ad jus can. univ.</sup>



notitia sine illa haberi nequeat? Apristina nimirum veluti rivulus e fonte hæc fluit: Immo hodie plura non sunt nisi pristinæ disciplinæ reliquiæ, quæ ignorata credideris inanes ritus; ea vero cognita perspicies plena hæc esse Ecclesiæ spiritu, qui nunquam mutatur. Ut igitur nihil dicam de veteri Ecclesiæ statu ac politia, de iudiciorum primævo ordine, de antiquis diœceseon, provinciarum, episcoporum juribus, de historia Pontificum & Conciliorum, de priscis Orientis, Occidentisque Canonum collectionibus, ceterisque id genus, quæ studioso Pontificii juris quasi vela remique sunt; quam ei facem præferent & Provincialia concilia, quæ Generalium Synodorum, totiusque Ecclesiæ sensum sapissime interpretantur, atque declarant? Illud interim prætereundum omnino non est hæc omnia summa critices diligentia pertractari oportere. Ufuenit enim sacrarum doctrinarum veluti fato quodam, ut scriptores alii livore ducti impulsque nequitia multa simulent, multa vitient, susdeque agant omnia; alii superstitione obcæcati principiis utantur veritati inquirendæ minime accommodatis; alii vero scribant ad gratiam, honoresque voluminibus aucupentur: quibus proinde legendis qua ingenii solertia, qua iudicii sagacitate, utque animo & natura, & arte ad id instituto opus est? Ardua hæc non inficior, Adolescentes, & in sublimi quadam cellitudine posita. at nobis Euclidæum illud Wolfius recinit in qualibet facultate verissimum *non dari regiam ad scientiam viam*: altè etiam nostris animis fixum hæreat, nullum esse aliud, quam ex

in præf. 1.  
part. præf.

flu-

studio recte Instituto compendium : hac enim licebit nobis eo, quo contendimus pervenire; alia nunquam licebit. Quamobrem Maſti animis in hoc omnes enixe incumbamus, ut a naturæ fontibus hauſtam Jurisprudentiam quaſi optimo condimento temperemus eruditione. Excitant nos doctrina, ſplendore nominis, exemplo ILLUSTRIS. AC SAPIENTIS. PROFESSOR AC SYNDICUS, ceterique ILLUSTRIS. AC SAPIENTISSIMI PROFESSORES. Excitant vero EMINENTISSIMUS CARDINALIS, ET NOBILISSIMI ATQUE EXCELLENTISSIMI CIVITATIS MODERATORES, quorum auspicia ut alia bona, ſic litterarum felicitatem portendunt.

D I X I.

